

Academia
Rostochien-
sis.Georgius
Peurbachius.Lovanien-
sis Acadē-
mia.Iohannes
Regiomon-
tanus.Bernardus
Waltherus.Typogra-
phica ars
origo.

anni sequentis itidem contra fidem publicam datam Constantiæ cremato. 68. Academia Rostochiensis exordium suum adscribit *Iohanni & Alberto* Megapolitanis Ducibus, Senatuique Rostochienfi, confirmationem verò Pontifici *Martino*. Sequenti anno *Laurentius Valla* Grammaticorum Princeps moritur: alii eum Anno Christi 1465. cum *Alfonsi* Regis Neapolitani Secretarius esset, ex hac vita discessisse ajunt. 72. qui est annus Christi 1423. die 30. Martii natus est *Georgius Peurbachius*, sive de Peurbach, quod cognomen, cum aliud ignotum sit, sibi adscivit à natali solo, sive pago Peurbach, aut Purbach in Austriæ & Baviaræ finibus sito, unde Germanus, Austriacus, Bavarus, & Noricus dicitur. Post Magistri titulum in Viennensi Academia acquisitum Germaniam, Galliam, & Italiam peragravit, Viennamque reversus Astronomicam Professionem aggressus est. ac præter multa alia, quæ ad Astronomiæ illustrationem faciunt, Planetarum Theorias conscripsit, atque ita laborum suorum industriâ Germanis ad Astronomiam excolendam prævit. Morte abreptus v. l. Idus Aprilis A.C. 1461. in Cathedrali templo Viennæ sepulchro mandatus est. 75. Lovanienfis Academia initium sumpsit à *Iohanne* Duce Brabantie fundata, & à Papâ *Martino* privilegiis confirmata, cui adhuc Theologica facultate carenti *Eugenius* Papa *Martini* successor eam adjecit. 79. *Scapheus Vegius* Laudensis orator, & *Ambrosius Florentinus Chrysoloræ* auditor, qui multa ex Græco in Latinum Sermonem transtulit, floruerunt. 85. *Blondus Flavins* Forliviensis *Eugenii* Pontificis Secretarius, & Historicus, & *Gregorius Trapezuntius* ejusdem orator, celebres fuere. Natus quoque postmodum Non. Junii hoc ipso anno, qui est 1436. à nato *Christo*, *Iohannes Mullerus* cognomento Regiomontanus in oppido Franconie sive orientalis Franciæ, cui Regiomons nomen est. Errant autem qui Borussiam faciunt, & Regiomonti in Borussiam natum arbitrantur, cum ex Franconiâ oriundus Regiomontem non Borussiam, sed Franconiam oppidum pro patria sua habeat. Viennam profectus, ut à *Peurbachio* Astronomicis præceptis imbueretur, atque voti compos factus, post ejus ex hac vita discessum cum *Besfarione* Cardinale Romam in Italiam se contulit, ac Italiâ perlastratâ in Germaniam rediit, Norimbergæ sedem suam figens, ubi à *Bernardo Walthero* inter cives potiores haud postremo, & Astronomicæ scientiæ admodum dedito haud parum adjutus est. Norimbergâ Romam evocavit eum Pontifex Romanus *Sixtus* IV. unde A.C. 1475. discessit, & Romæ pridie Nonas Julias sequente anno vitam finivit, postquam plurimis operibus & laboribus doctissimis magnam Astronomiæ lucem attulisset. 86. *Sigismundus* Imperator anno ætatis 70. imperii 37. mortalium consortio excessit, & in ejus locum successit gener *Albertus* Austriacus Hungariæ & Bohemiæ Rex, quem anno 88. nimio peponum esu extinctum sequutus est Imperator *Fridericus* III. Austriæ Dux. 89. Typographica ars

inventâ esse dicitur à *Iohanne Gutenbergio* auri-
fice Argentinenfi, publicatâ primum Mogun-
tiæ, auctaque postmodum à *Iohanne Mentelo* Ar-
gentinæ, quam *Sixtus Rysinger* Argentinenfis
Neapolin in Italiam traduxit, eodemque fere
tempore *Udalricus Hahn* Germanus, qui se co-
gnomento Latino Gallum scripsit, Romæ exer-
cuit. Alii hoc inventum utilissimum civi cuidam
Harlemensi, cui *Laurentio Iohannis Costero* no-
men, acceptum, atque ita ex Hollandia prodissi-
ferunt. 13. Aprilis anni 93. dies natalis est *Bap-
tiste Mantuani* Poætæ insignis, qui Carmelitarum
Prior Generalis fuit. 96. Papa eligitur *Nico-
laus V.* ingens literarum & literatorum fautor,
qui Vaticanam Bibliothecam ter mille volumi-
nibus auxit. Sequenti *Nicolaus Cusanus* Germa-
nus, ob admirabilem & omnigenam doctrinam
ferè pro miraculo habitus, 30. Decembris Car-
dinalis creatur. Hoc ipso anno *Iohannes* Impera-
tor Constantinopolitanus ad plures abiens Im-
perii successorem *Constantino Palæologo* filio re-
liquam fecit.

Anno M. 5402. A.C. 1453. *Mahmud* Tur-
ca Constantinopolin occupat, & Imperii Con-
stantinopolitanæ sive Orientis finem facit. Se-
cundo anno post in lucem editus est *Iohannes Cap-
nio* sive *Renclinus* Phorocensis 28. Decembris.
Primus ferè literas Hebraicas & Græcas in Ger-
maniam importavit. Sequenti quinto Gryphis
Waldiana Academia condita est ab *Uratislao*
Pomeraniæ Duce, & proximo anno 12. Octo-
bris introducta. 7. *Æneas Sylvius Piccolominus* Se-
nensis scriba in concilio Basileensi, postea Se-
cretarius Imperatoris *Friderici* III. inde Epi-
scopus, mox Cardinalis, tandem fit Papano-
mine *Pius* II. & Concilium Basileense, quod
scriptis publicis probaverat, improbat. 9. *Hein-
ricus* Dux Viscensis, filius *Iohannis* Regis Portu-
galliæ, Princeps Geographiæ studiosissimus, &
Hispanicæ navigationis in Indiam author mori-
tur. Basileensis Academia *Pio* II. Pontifici, &
Friburgensis in Brisgoia *Alberto Austriæ* Archidu-
ci ortum suum adscribit. 11. *Iohannes Tritemius*
Trevirensis nascitur 1. Febr. annorum 21. fit Ab-
bas Spanheimensis, quod cœnobium insigni bi-
bliothecâ auxit. Annum 44. agens eligitur Ab-
bas ad *S. Iacobi* in Herbipolensi, quod concessit
ob molestias, quas ipsi Spanheimenses Mona-
chi exhibere soliti erant. 16. *Desiderius Erasmus*
literarum in Germania restaurator vivere ince-
pit Roterodami in Hollandiâ 18. Octobris, cir-
ca quod tempus etiam vixit *Platina* Historicus
sequente anno in carcerem à Papa *Paulo* II. con-
jectus. Eodem Judæus quidam Astrologiæ pe-
ritissimus *Iohanni* Arragoniæ Regi Septuagena-
rio visum restituit, albuginem die 11. Septem-
bris dextro, & 12. Octobris sinistro oculo de-
trahens. *Philippus Cominens* Historicus floret. *Bes-
sario Nicenus* Cardinalis, Matheseos studiosissi-
mus Bibliothecam suam, quam ex Græciæ reli-
quiis hinc inde conquissiverat, templo *D. Marci*
Venetiis dicit, ut in loco tuto esset. Vixit hoc
tempore *Nicolaus Berottus* Saxoferratenfis, &
Sipontinus Episcopus Cornucopiæ author. 26.
Tubin-

A.M. 5400.
A.C. 1451.Academia
Gryphis
Waldiana.Academia
Basileensis,
& Fribur-
gensis.Judæus As-
tologus.

Tubingensis Academia initium suum acceptum
fert conditori *Eberhardo* Comiti Wittenber-
genfi, quam 3. Julii introductam confirmat Papa
Sixtus IV. Sequito anno *Theodorus Gaza*, Thessa-
lonicensis Romæ moritur. Celebris fuit *Rudol-
phus Agricola* Groningensis Frisius, Professor Hei-
delbergenfis, vir doctissimus, qui die 28. Octo-
bris Anno Christi 1485. diem obiit, cum 42. æ-
tatis annum ageret. 30. *Franciscus Philolpus* Eques
Auratus, & Poëta Laureatus, vir literatissimus,
nonagenarius morte abripitur Bononiæ, adeo
pauper, ut ad funus effrendum, & cubiculi &
culinæ supellex vendenda esset. Romæ *Bartholo-
mens Platina* Historicus peste extinguitur. Se-
quente anno instituta & introducta est Academia
Moguntina à *Diebbero de Isenburg* Archiepiscopo
Moguntino. Huic anno proximo nascitur *Islebia*
10. Novembris *Martinus Lutherus* ante mediam
noctem, pridie *Martini* ineunte feriâ tertiâ. Se-
quens annus in lucem produxit *Iulium Cæsarem Sc-
aligerum* natum 23. Aprilis in castro Ripa, ad la-
cum Benacum, patre *Benedictio Scaligero* bellato-
re fortissimo, ex antiqua Scaligerorum, olim
Principum Veronenfium, familia oriundum.
Floruerunt his temporibus *Antonius Sabellicus* Hi-
storicus, *Marsilius Ficinus*, *Hermolaus Barbarus* Ve-
netus, *Iohannes Picus Mirandula*, & alii viri docti in
Italiâ. 39. Schola elegantioris doctrinæ Monaste-
rii in Westphaliâ instituitur ab Episcopo ex con-
silio *Rudolphi Langii*, Præceptoribus *Murmelio*,
Cæsario, *Buschio*, & aliis, à quibus literarum, & lin-
guarum studia per Germaniam propagata sunt.
Primi etiam Poætæ in Germaniâ florere cœpe-
runt, ut *Rudolphus ille Langius* & alii. 41. *Philippus*
Callimachus natione Tuscus, Poëta, Orator, & hi-
storicus insignis, atque *Iohannis Alberti* in Poloniâ
præceptor Nobilitatis Polonicæ odium sibi con-
ciliavit Regi suadendo, ut Nobiles tanti non fa-
ceret. 42. Vivendo & imperando desit Impera-
tor *Fridericus* III. vices suas tradens filio *Maximi-
liano* I. Famâ & nominis celebritate innotuit hoc
tempore nobilissimus ille Mathematicus *Nicolaus*
Copernicus Torunii in Borussiam natus Anno Christi
1473. die 19. Januarii, horâ 4. min. 48. post me-
ridiem, ut *Masslinus* tradit, erroris arguens *Iun-
etinum*, qui ejus nativitatem ad annum Christi
1472. refert. Patri nomen fuit etiam *Nicolaus*,
matrrique quod fuerit ignoratur, de qua tamen
hoc constat, quod ex *Watzelrodiorum* familiâ
oriunda soror extiterit *Luca Watzelrodii* Episcopi
Warmienfis. In Academia Cracoviensi, præter
alia studia, Mathematicis exercitiis deditus audi-
vit *Albertum Brudzevium* Matheseos Professore, &
ac condiscipulos habuit *Iacobum Cabelinum*, *Vapo-
rium* Cantorem Cracoviensem, *Nicolaum Schade-
kium*, & *Martinum Ilkysium* Mathematicâ arte post-
ea celebres. Cracoviâ Toronium reversus inde
in Italiam perrexit, ac Bononiæ in familiaritatem
se insinuavit *Dominici Mariæ* Ferrariensis Astro-
nomi & Professoris magni nominis, qui jam
ibidem Astronomiam per duodecim annos pro-
fessus fuerat. *Copernicus* Bononiâ Romam veniens,
professione ornatus est, quâ aliquot annis post

Academia
Moguntina.Schola Mo-
nasterien-
sis.Nicolaus
Coperni-
cus.Mathema-
ticae coen-
tri.Dominicus
Maria.

relictâ natale solum repetiit, & Canonicus War-
mienfis factus, adjumento avunculi sui Episco-
pi Warmienfis, Matheseos exercitio summâ ani-
mi contentione incubuit. Hypothesi Pythago-
reâ revocatâ, & emendatâ Solem in totius Uni-
versi medio, Terramque in medio Planetarum,
Solis loco, locavit, & triplici motu terram cir-
cumgyrari sub tribus superioribus Planetis circa
tres inferiores affirmavit. Tribus mensibus &
diebus quinque septuagenario major animam ef-
flavit die 24. Maji Anno Christi 1543. Coxtanci
ipsius fuere *Georgius Iohannes Rheticus* Wittember-
gæ publicâ professione Matheseos docens, & *Ioh-
annes Schonerus* Norimbergenfis Mathematicus,
viri duo admodum celebres, quorum prior de-
serta sua professione ad *Copernicum* in Borussiam
Anno Christi 1539. se contulit, ut eum ipso de
rebus Astronomicis conferret, & anno Christi
1576. obiit. 44. Anno Christi 1495. Imperator
Maximilianus I. Comitibus prima celebravit Wor-
matæ, in quibus inter alia decretum fuit, ut Sep-
temviri sive Electores quisque in sua ditione pu-
blicas Scholas, & Academiâs aperiendas cura-
rent. 46. *Philippus Melanthon* nascitur die Jovis post
Dominicam invocavit, 16. Februarii minutis 6.
post horam septimam Meridianam in oppido Pa-
latinatus Bretta: Vir scriptorum doctissimorum
copia de liberalium artium studiis optimè meri-
tus. 48. Toletana Academia ab Episcopo loci e-
recta. 50. Anno Christi 1051. *Maximilianus* Im-
perator *Conrado Celti* Poætæ Laureato Poëtices
Professori in Academia Viennensi 21. Octobris
potestatem confert creandi Poëtæ Laureatos.
Sequenti anno Academia Wittebergenfis 18.
Octobris fundata, & introducta est à *Friderico* Sa-
xonix Electore, & Privilegiis ornata à *Iulio* II.
Pontifice Romano, cujus primus Rector fuit
Polichius Mellerstadius Medicus. 55. Academia
Francofurtana ad Oderam instituta à *Ioachimo* E-
lectore Brandenburgensi, & introducta 26. Apri-
lis, cui primus Rector præfuit *Conradus Wimpina*
natione Francus, Theologus. 59. *Philippus Beroaldus*
moritur, & *Ambrosius Calepinus* Bergomenfis
Episcopus floret. Monachi Judæorum libros
comburendos censent, quibus *Renclinus* sive
Capnio se opponit. Magna autem inter Monachos
hiscæ temporibus ignorantia versabatur, unde hi
fratres ignorantix liberalium artium restaurati-
onem admodum ægrè ferentes, doctis viris atque
cumprimis *Renclino* & *Erasmio* multum negotii
facessere ausi sunt. Quinto anno post edita sunt
Biblia Hebraica, vulgò Complutensis, adjunctis
tribus interpretationibus Chaldaicâ, Græcâ, &
Latinâ, sumptibus Episcopi Toletani. 66. *Lu-
therus* à *Carlstadio* Anno Christi 1512. Theologiæ
Doctus creatus, ultimo Octobris hujus anni the-
mata triginta novem de Indulgentiis templo arcis
Wittebergæ affixit. *Tezelus* Monachus, qui in-
dulgentiarum venditione per totam Germaniam
negotiationem quæstuosissimam exercuerat, alias
Theses 106. à *Wimpina* Francofurti ad Oderam
factas opponit, & contra *Lutherum*, qui suas Wit-
tebergæ disputabat, Francofurti ad Oderam in
(gg) trecen-

Georgius
Joachimus
Rheticus.
Iohannes
Schonerus.Academia
Witteber-
gensis.Francofur-
tana.